


Organizacija za sigurnost i saradnju u Evropi Misija u Bosni i Hercegovini




Ko smo mi?

Opšti okvirni sporazum za mir u Bosni i Hercegovini, usaglašen u Daytonu u Sjedinjenim Američkim Državama, a potpisan u Parizu u Francuskoj 1995. godine, definiše rad Misije OSCE-a u Bosni i Hercegovini. Ovim sporazumom Misija je uspostavljena kao jedno od tijela zaduženih za pružanje pomoći u osiguranju trajnog mira u BiH i izgradnji stabilne, sigurne i demokratske države.

Sa svojim glavnim uredom u glavnom gradu BiH, Sarajevu, Misija OSCE-a u Bosni i Hercegovini se u svom radu u velikoj mjeri oslanja na razgranatu mrežu od devet terenskih kancelarija i jednom privremenom kancelarijom, kako bi se u potpunosti angažovala u radu sa građanima i građankama i vlastima na svim nivoima, od opštinskog, kantonalnog, entitetskog, pa sve do državnog nivoa vlasti.

Struktura terenskih kancelarija i aktivnosti Misije ostaje fleksibilna kako bi se prilagodili društvenim i političkim događanjima.

Angažman Misije obuhvata nekoliko prioritarnih oblasti: demokratsko upravljanje, izbori, ljudska prava, obrazovanje, vladavina zakona, ravnopravnost spolova, upravljanje i saradnja u oblasti sigurnosti, kontrola naoružanja, borba protiv terorizma, okolišne i ekonomske aktivnosti, i mladi.



Čime se bavimo?

Osnovni cilj Misije je promocija stabilnosti i pomirenja, te pružanje podrške Bosni i Hercegovini na njenom putu ka regionalnoj, političkoj, ekonomskoj i socijalnoj integraciji.

Demokratsko upravljanje

Misija radi na očuvanju osnovnih principa demokratskog i dobrog upravljanja na svim nivoima vlasti, i osigurava da institucije i vlade budu odgovorne, transparentne, efikasne, da predstavljaju i odgovaraju građanima i građankama. Osnovne aktivnosti koje provodimo uključuju jačanje kapaciteta, transparentnosti i djelotvornosti zakonodavne vlasti BiH, podršku razvoju, usvajanju i promociji ključnih reformskih zakona, kao što su zakonodavstvo o sukobu interesa i prijavljivanju imovine, pružanje podrške uspostavljanju efikasnog sistema prevencije korupcije, povećanje učešća građana i građanki u demokratskim procesima i donošenju odluka, te podsticanje društvene kohezije na nivou zajednice u saradnji sa lokalnim vlastima i civilnim društvom.

Izbori

Inicijalni mandat Misije za provedbu izbora proistekao iz odredaba Daytonskog mirovnog sporazuma iz 1995. godine, povjeren je 2002. godine Centralnoj izbornoj komisiji Bosne i Hercegovine. Misija danas radi na širim inicijativama vezanim za izbore. Uz uvažavanje preporuka Ureda OSCE-a za demokratske institucije i ljudska prava (ODIHR) i Grupe država Vijeća Evrope u borbi protiv korupcije (GRECO), Misija pruža podršku izradi izmjena i dopuna izbornih propisa i propisa vezanih za finansiranje političkih stranaka.

Misija također radi sa lokalnim institucijama, posebno sa Centralnom izbornom komisijom BiH, na daljnjem jačanju i tehničkom osposobljavanju tijela izborne administracije za provedbu izbornog procesa, uz očuvanje njegovog integriteta i transparentnosti, te pruža podršku izgradnji kapaciteta civilnog društva u nepristrasnom praćenju izbora.

Ljudska prava

Misija radi na unapređenju razumijevanja i poštivanja ljudskih prava, te unapređenju poštivanja osnovnih sloboda (medija/izražavanja, mirnog okupljanja/udruživanja i vjere ili uvjerenja) kroz usklađivanje zakona i politika sa međunarodnim standardima ljudskih prava, te bavljenjem identifikovanim kršenjima ljudskih prava i promoviranjem međureligijskog dijaloga. Cilj aktivnosti Misije je jačanje provedbe politika i zakona koji eliminišu diskriminaciju i osiguravaju integraciju Roma i drugih nacionalnih manjina. Misija saraduje sa drugim međunarodnim partnerima, kao i domaćim institucijama, na povećanju pristupa adekvatnom smještaju, te socijalnim i ekonomskim pravima za ugrožene grupe, uključujući povratnike, Romkinje, osobe sa invaliditetom i mlade.

Obrazovanje

Misija ima vodeću ulogu u okviru međunarodnih organizacija koje djeluju u BiH, u pružanju podrške osnovnom i srednjoškolskom obrazovanju.

Sa fokusom na kvalitetno obrazovanje bez diskriminacije, Misija svoje aktivnosti usmjerava na mijenjanje politika rada i praksi kojima se produbljuju etničke podjele i nepovjerenje, kroz pružanje podrške lokalnim institucijama vlasti u pronalaženju dugoročnih i inkluzivnih rješenja. Ovaj angažman pomaže u postavljanju temelja bolje budućnosti za svu djecu u Bosni i Hercegovini.

Vladavina prava

Pružanje podrške u izgradnji snažnog, efikasnog, nepristrasnog i nezavisnog pravosuđa, koje jednako tretira sve građane i građanke, ključni je cilj Misije. Misija podržava sistem krivičnog pravosuđa u rješavanju ozbiljnih i osjetljivih krivičnih djela na pravičan i efikasan način. Procjene Misije o odgovorima pravosuđa na ratne zločine, zločine iz mržnje, trgovinu ljudima, nasilje u porodici, organizirani kriminal i korupciju, na osnovu opsežnog programa praćenja suđenja, kao i angažmana u procesima reforme pravosudnog sektora, pružaju informacije i predstavljaju osnovu za pružanje savjetodavne pomoći institucijama vlasti, u cilju unapređenja efikasnosti rada pravosudnih institucija, zaštite pravičnog suđenja i osiguranja pravde za žrtve.

Rodna ravnopravnost

Misija prepoznaje da je rodna ravnopravnost od suštinske važnosti za demokratiju, ekonomski razvoj i sigurnost i stabilnost u regionu OSCE-a. Naš angažman u ovoj oblasti vođen je ključnim dokumentima i obavezama OSCE-a. Misija je razvila sveobuhvatnu internu strukturu za integraciju rodne perspektive u sve politike i programe Misije u sve tri dimenzije. Misija također implementira tematske programe za rješavanje sveobuhvatnih pitanja rodne ravnopravnosti, uključujući unapređenje političkog učešća žena i podršku unapređenju struktura koje jačaju rodnu ravnopravnost u političkim partijama. U borbi protiv rodno zasnovanog nasilja, naš rad se fokusira na prikupljanje podataka, izgradnju kapaciteta i podršku multisektorskoj saradnji, dok je implementacija Rezolucije Vijeća sigurnosti UN-a 1325 o ženama, miru i sigurnosti fokusirana na povećanje učešća žena u institucijama sigurnosti i odbrane i uključivanje rodnih pitanja u strateške dokumente i politike BiH.

Upravljanje i saradnja u sigurnosnom sektoru

Misija podržava razvoj sigurnosnih i odbrambenih sektora zasnovanih na principima demokratskog upravljanja i vladavini prava, te na principima transparentnosti i odgovornosti. Ova podrška uključuje jačanje parlamentarnog nadzora u okviru ukupnog sistema demokratske kontrole. Misija pored toga pomaže u unapređenju saradnje, kapaciteta i upravljanja u oblastima sigurnosti i upravljanja granicom, provođenja zakona, zaštite i spašavanja i cyber sigurnosti.

Kontrola naoružanja

Podrška Misije u oblasti kontrole naoružanja i malokalibarskog i lakog naoružanja (SALW) ima za cilj unapređenje sigurnosti

Čime se bavimo?

(nastavak)

građana i građanki BiH, vojnog osoblja i osoblja za provođenje zakona. Takođe pomaže u provedbi i izvještavanju o relevantnim međunarodnim i regionalnim obavezama. Misija pruža podršku Oružanim snagama BiH i agencijama za provođenje zakona u unapređenju upravljanja oružjem, municijom i eksplozivnim sredstvima, posebno u pogledu sigurnosti skladištenja, testiranja municije i zbrinjavanja viškova naoružanja. Misija također pomaže u povećanju kapaciteta BiH za rješavanje pitanja ilegalnog posjedovanja, zloupotrebe i trgovine SALW-om i njegovom municijom.

Borba protiv terorizma

Misija podržava BiH u rješavanju prijetnji terorizma i nasilnog ekstremizma na inkluzivan, kooperativan način, usklađen sa ljudskim pravima i zasnovan na vladavini prava. Pored podrške razvoju i implementaciji strateških dokumenata, Misija pomaže u izgradnji kapaciteta za suzbijanje finansiranja terorizma, ometanje putovanja terorista i osiguravanje efikasne rehabilitacije i reintegracije stranih terorističkih boraca i njihovih porodica.

Zaštita okoliša

Misija podstiče dijalog između vlasti i civilnog društva u cilju rješavanja različitih okolišnih pitanja sa kojima se Bosna i Hercegovina suočava. Misija pruža podršku u izgradnji kapaciteta četiri Arhus centra u BiH i radi na jačanju znanja o okolišnom zakonodavstvu, kao i na podsticanju svijesti o okolišu i djelovanja

na lokalnom nivou. Radeći sa državnim i lokalnim vlastima, Misija također gradi kapacitete za smanjenje rizika od katastrofa i radi na unapređenju spremnosti u slučajevima prirodnih katastrofa.

Sloboda medija

Misija posebnu pažnju posvećuje sigurnosti novinara, posebno novinarki, i ukazuje na različita kršenja slobode izražavanja širom zemlje. Kroz redovno praćenje i analizu građanskih i krivičnih postupaka protiv novinara i medija, Misija identifikuje oblasti za unapređenje i daje preporuke. Specijalizovani programi izgradnje kapaciteta podržavaju efikasnu saradnju između medija, pravosuđa i policije, te promoviraju medijsko pravo na univerzitetima u BiH. Sa svojim međunarodnim i lokalnim partnerima, Misija radi na podizanju svijesti o izazovima i problemima sa kojima se suočavaju mediji i novinari i novinarki kroz TV programe, kampanje na društvenim mrežama i javno izvještavanje.

Mladi

Prepoznavajući ulogu mladih kao partnera u ostvarenju pozitivnih promjena i promotora mira i pomirenja, Misija radi sa mladima na suzbijanju radikalizacije i nasilnog ekstremizma, govora mržnje, incidenata motivisanih predrasudama i zločina počinjenih iz mržnje, te segregacije u obrazovanju i korupcije. U realizaciji svih svojih aktivnosti, a uz pomoć Savjetodavne grupe mladih kao osnovnog nosioca aktivnosti u ovoj oblasti, Misija nastoji prepoznati i razmotriti težnje, potrebe i prioritete mladih.

Osnovne informacije


(iz oktobra 2022. godine)

Šef Misije



Ambasador Brian Aggeler iz Sjedinjenih Američkih Država je šef Misije OSCE-a u Bosni i Hercegovini od oktobra 2022. godine.

Osoblje:



U Misiji je zaposleno 34 državljana stranih država i 281 državljanin BiH.

Budžet:



11,682,000 EUR¹

¹ Podaci iz 2021.godine.

Pratite OSCE



Misija OSCE-a u Bosni i Hercegovini
Fra Anđela Zvizdovića 1, UNITIC toranj A
71000 Sarajevo
Bosna i Hercegovina

Telefon: +387 33 952 100
Faks: +387 33 442 479
press.ba@osce.org
www.osce.org/bih
@oscebih



Organizacija za sigurnost
i suradnju u Evropi
Misija u Bosni i Hercegovini